

廣德州志

EM230115

134

12

廣德州志卷三十五

人物志 文苑 武功 孝友

文苑

山水之秀蔚為人文上下數百年間其煌煌鉅製茹古涵今者固足立言不朽他若篤志好學閉戶授徒以詩文名於時亦有不可沒者概之曰文苑

宋

查揆號霽山深之孫幼俊敏能文熙寧中升上舍生神宗問近臣舍選得人否有以江南查揆張汝舟對後第進

廣德州志

卷三十五

文苑

士為太學博士臥疾不起陳紆以詩悼之曰舍法得才

傳黼辰古人馳譽重賢關 明一統志

沈虛中字太虛宣和中進士 案虛中宣和沈晦榜進士萬歷選舉志及楊門志並同惟

萬歷志傳作紹翰林院知制誥天資聰慧博洽有聞所

著有資治通鑑事類左氏國語要畧考異國史要綱桐

川集官至吏部尚書 萬歷志通志案吳曾能改齋漫錄稱沈太虛侍郎虛中則由侍郎進

尚書也時秦檜病帝命虛中草檄及其子熺制並令致仕

續通鑑綱目

何大圭字晉之年十八試禮部第一以文章著名 南畿志又通志

云詩文有聲重和間為館職案大圭政和未進士其為館職當在重和間詩話及志俱作宜政誤今其人跣跣不羈仕宦晚亦不偶嘗有詩曰茅屋

松窗小隱家茶煙漠漠水斜斜簷間乳燕未成語庭下石榴爭放花賴有詩書銷白日倦隨車馬走黃沙林泉舊約好徑去風雨滿江垂釣車又有聯云蜂垂倒世界蚊集小雷霆又嘗為姓韓貴人作樂語乃以唐吏部漢將軍為對亦有巧思庚溪詩話參萬曆志

明

韋暹字廷昇建平人清貧苦學以文行名州守周瑛甚重

廣德州志

卷三十五

文苑

二

之成化十六年貢授代府審理正李志

濮陽漢字致昭初號橫山志行純篤登嘉靖七年鄉薦卒

業南雍司成張文定公極見推譽謂其試論出程篁墩

上二十七年就選太宰聞石塘公試以歲寒松柏論擢

第一授工部司務奉命往江西造費尙書墳遇東廓鄒

先生于上清宮講學刻有信游奇遇錄歷陞南京戶部

浙江司郎中以志行違時致政歸據濮陽氏譜增

袁茂獻字忠卿號心玉建平人弱冠為諸生沉靜篤學宣

城司成湯驪菴奇其文締忘年交甲乙擬歲薦不就時

手一經訓子孫以壽終

李志

韋傑字謙甫號南明建平人由選貢授無極令以執法觸權闖謫改永平教授遷北雍學錄永州司李所在政聲甚著踰年引退杜門著書有詩經明辨十卷北遊草三卷杜律五言註七言註各二卷子大有領鄉薦亦官司

理

楊志

潘嘉字子會建平人性孝友嗜學能文入太學選廣東布政司理問介直不阿投劾歸闕一圃曰賦閒與同人觴咏其中太史馮夢禎銘其墓

楊志

廣德州志

卷三十五

文苑

三

王際盛字有五號鄴仙建平人博涉羣書十七補諸生守令走幣徵文無虛日邑令朱敬鐸器重之著涵碧樓稿

二十卷

李志

王際孟字象春號育圖建平人接物藹然工古文詞邑有大著作半出際孟手兩中副車

李志

孫振宗字簡伯家貧力學無寒暑晝夜櫛沐幾廢萬曆壬子鄉薦尤善古文詞

通志 楊志

戈維屏字元衛號濬川攻苦積學中萬曆辛卯舉人胸次爽越言論煥發桐川英俊皆出其門

萬曆志 通志

張元庚字以長號長琴建平人七歲能文博涉經史百家
脩身立德以古人爲期遠近從學者數百人登天啟辛
酉賢書著述甚富子麟儒領崇禎癸酉鄉薦楊志

夏儀字長卿號麟之良心之孫頎然玉立咳吐成文時有
一子瞻之目嘗從舅氏韓敬入長安名動公卿崇禎辛未
進士授中書科舍人分校北闈所得皆知名士使松江
便道歸卒於家通志 楊志

雲一穎字叔含號耐菴資敏悟總角能詩善屬文有蒙莊
大蘇筆意國變後入山不出於四書詩易書等經諸子

廣德州志 卷三十五 文苑 四

史皆有論說發前賢所未及又著問異賦三千餘言李志

王日如字弗如號石崖少擅文譽崇禎己卯副榜家貧好
吟咏興到疾書多牢騷寄託語論者謂其匠心獨照不

向世人索解也晚遊閩楚所至畱題有吟父感遇詩其
師新安學博許啟洪序之據許日如精醫不取直里人

高其行購田二十餘畝贈之據墓志 案日如舊無傳今增

濮陽長字長公號震初幼孤事母許以孝聞嘗從陳寒山
遊與於南社又立桐溪大社講學郡中時錢吉士楊維
斗沈眉生咸器重之崇禎十六年由恩貢授教諭辭以

母老自號天遯居士著有二可堂集亦悅居草

據漢陽氏譜增

盛於德篤學好古於世味泊如也生平健著述藏有州志

舊本手錄軼事俱極公慎乾隆四年州守李修輯郡志

多採之

李志

史大綱字正之建平人諸生性介直重然諾族姓繁衍有

不平質之大綱一言解去族之無訟者四十年生平好

古力學手錄史漢綱鑑諸書而評注之子繼佚登順治

丁酉鄉薦

楊志

國朝

廣德州志

卷三十五

文苑

五

夏君信字君實建平人敏慧善屬文試輒冠軍居家孝

友秉性介然不苟凡衆所艷趨者淡如也以明經終

李志

戈標字闇生號霽園家貧好學通經史百家言康熙甲

午選貢州守楊延輯州志甲子聘修江南通志標與建

平諸生姚錄王翹與其選標年近七旬最爲耆宿分門

纂輯焚膏不倦四閱月竣事旋郡侯朱尤推重之

參通志及

戈氏譜增

夏迪忱字顓俊號若齋康熙壬戌進士讀書寒暑不輟

文章醇正郡知名士多出門下嘗自塾歸聞哭聲甚哀

訊之乃莊姓負債鬻妻卽傾篋中金代償之歸家歲暮無以舉火恬如也又有賣兒償逋者號于野迪忱解囊贖之其慈祥惻怛類此持躬雅飭登第後尤肆力詩書至老益篤

李志

夏澍字雨蒼號敬川康熙甲子拔貢授山西襄陵知縣以疾未赴澍苦志積學以主敬窮理爲要盡絀岐說大司成徐健菴翁鐵菴深折服之安溪李公延擁臯比講道論學名重京兆著有朱註發明可亭朱公深嘉之又

李志

廣德州志

卷三十五

文苑

六

岑岳字予申建平人才情敏慧襟懷曠達舉孝廉甘于淡泊詩酒自適醉後援筆千言立就有謫仙之風惜未展其志而卒

李志

嚴文在字聚東號清澗建平人康熙丁酉解元戊戌進士選庶常授檢討孝友忠誠恂恂雅飭爲文章爭相傳誦咸以爲有德之言惜未究其用

李志

戈象雍字佑康康熙丁酉舉人天性高曠不問家產廩無擔石儲晏如也奉養二母必致甘旨與人交未嘗言人過有一善輒揄揚不置人稱長者自少能文與雲中

官巫樗孫齊名既而雲巫成進士象雍屢試不第益肆力於詩古文詞所與遊皆當世知名士大宗伯吳青陽素推重之督學畿輔延佐衡文象雍以母老堅辭歸養著有四書文稿李志

王翹建平人邑諸生受業于徵士沈耕巖博聞強記多著述甫脫稿輒相傳寫時奉臺檄徵各屬名士修江南通志翹應召制府虞公甚加敬禮焉縣志

嚴君立字聖基建平人庠生從宣城孫誥遊潛心篤學而于陰陽奇耦論辨尤精以攻苦致疾卒年僅三十三

廣德州志

卷三十五

文苑

七

生平著述俱散失士林惜之縣申

方穀字嘉禾號栢溪己酉選貢揀選知縣以親老歸養生平寡交遊以詩文過從者祇二三人居城中足不涉公庭當道間以詩文見招偶問及外事默不應實亦不知也與修州志性緘默訓及門則講論不倦年六十八未及赴選而卒子兆元歲貢生學使劉梁先後舉優諸孫俱遊庠食餼者二人公舉

陳士玉字崑田號靈巖七歲而孤母洪撫教之性沉靜寡言笑工制義居家雍睦雍正乙卯由選貢舉於鄉屢

試不偶教授生徒室廬僅蔽風雨乾隆辛巳會試以

恩例給國子監學正壽七十卒長子鳳詔庠生早卒

家傳

宗兆燕字玉懷建平人與從兄兆熊俱能文兆燕尤長於散行駢體兼工書法兆熊壯年選貢尋卒兆燕年五十始入成均杜門授徒終其身富於著述而不畱稿與

驚名者異

縣申

濮陽模字窗耘幼孤事繼母撫二弟以孝友聞好學工詩文乾隆庚辰登鄉薦再試禮部不第杜門課子授徒橫山州守劉以禱雨至請見之模託辭避去守高之著

廣德州志

卷三十五

文苑

八

有映劍集嗣子狎廩生模從弟慎字徽五九歲能誦魯靈光殿賦嗜書聚至萬卷從模學詩一年而成有傑句

多識郡中舊事著木齋集性放達以選貢終

家傳

李仁曾字元建歲貢生讀書多慧解居母喪一慟幾絕

遂患心痛終其身家貧得館粟必分給異母弟曉醫見請輒往性嗜飲百觥不醉酒後爲文及書益超逸有奇氣與濮陽模交厚模號眉海仁曾號眼山戲爲句云道是眉來眼去誰知海誓山盟聞者絕倒著有篆香詩集

公舉

沈嗣進字俊三號筠坡祖洪字冀尊潛心理學能詩文人稱卓菴先生以諸生終嗣進自幼爲洪所器及遊庠試輒冠軍交遊皆一時名士乾隆癸酉選貢候選直隸州佐九赴鄉闈屢薦不售以親老絕意仕進一編而外泊如也所教授生徒各有成著有筠坡詩草學庸纂要易經精義藏於家子懷五增生煒廩生公舉

陳錫字菁莪號桐溪六歲喪父哀痛如成人長好讀書

有聲庠序乾隆丙戌進士授工部營繕司主事以母老

乞歸色養備至母偶有怒錫輒牽衣索果如小兒狀母

廣德州志

卷三十五

文苑

九

爲開顏其至性有過人者未幾以疾卒生平喜遊所至題咏說者謂有建安風骨其友濮陽模爲輯其遺稿名

桐溪集

陳氏譜

吳延暎字雯照幼卽嗜學性貞慤爲諸生課徒北鄉二十年許嚴立課程剛介不苟及門皆謹飭自好三子汝梅澍嘉植皆親教之學行一如其父汝梅澍庠生汝梅舉優嘉植丁酉選貢充四庫館膳錄需次教諭爲諸名公所器重戊申歸里卒士林惜之公舉

武功

有文事必有武備二者不偏重也桐郡山勢雄傑篤生偉人自明以來克奏膚功者卓卓可紀萬厯志有武胄門楊志入選舉李附宦績茲別為武功

明

湯達之少以智勇聞嘗客遊無錫遇太祖兵投充麾下從征張士誠堅壁不下達之舉巨石擊開城門遂平姑蘇同輩疾其功中以蜚語尋誣奏籍沒其產已而謂功不可泯復給還萬厯志

廣德州志

卷三十五

武功

十

濮陽成字子義沉毅有遠志膂力絕人明太祖兵至廣德幸祠山時成尙童年潛伏殿閣以覘上仰見人影命射之應弦取矢不能害疑為刺客命舉火焚之道士以神應辭得免後兵駐宣州大閱成從焉試射角力充靈壁侯湯和麾下百戶歷隨耿元帥拓地克敵功陞千戶緣事充廣德翼小旗後屢立戰功封武德將軍世襲金山

衛百戶

萬厯志

蔡汝蘭字子芳

舊作方誤今從李志

州廩生博學善書浙直總督胡

宗憲嘉靖間視師海上聘掌書記積勞授都閩歷南贛

叅將子沒王事世襲千戶

萬厯志

宋大斌由卒伍隸汝蘭麾下積勞至遊擊將軍征倭復朝鮮有功績論功晉遼東叅將未拜官卒

萬厯志

國朝

章良臣字鼎賢少孤貧有大志康熙初應募入閩爲武弁金某子遂冒其姓從平耿逆及澎湖臺灣諸寇敘功加十九等授左都督榮祿大夫權潮州府黃岡右營九年引疾歸里軍士感其德立石頌之

據章氏譜增

李國盛字公宇號瑞卿建平人從戎河南康熙十四年

廣德州志

卷三十五

武功

十一

值耿逆之變隨征福建授把總調衢州千總屢以戰守著績明年調金華協破賊馮公輔身先血戰復宣平縣進勦大溪灘生擒賊黨隨由江山進仙霞嶺連克三關及浦城建陽等縣並建寧府部議敘功九月進師延平趨運軍糧接濟十月率兵次小門山枕楓嶺殺賊焚寨十六年調省監修戰船十八年攻漳州守鳳山日夜堵禦十九年攻獅子山并陳洲馬洲灣腰樹觀音山等處連破十九寨克海澄取廈門加功三等授都司尋又敘功加十九等授左都督註入宣州衛籍二十八年任遵

化城守營以左都督攝遊擊事食一品俸以疾休致世襲全俸

誥贈榮祿大夫國盛子廷芝世襲拖沙喇哈番歷署山東壽樂寧福二營都司青州營守備乾隆二年新街世襲

雲騎尉

李志

廣德州志

卷三十五

武功

十三

孝友

孝弟力田漢以取士所以維風教正化源也桐郡以孝行著者代不乏人雖其中割股一節事涉傷生而自唐史已載之蓋愛親甚於愛身實有難能可貴者舊志孝義合登茲析為二而唯孝斯友遞及以觀內行焉

唐

潘晃事父至孝嘗以役事至京一夕夢祠山神告曰汝父病篤晃覺驚惶不已日夜奔走以歸一夕復夢神語曰

廣德州志

卷三十五

孝友

十三

汝父疾愈歸問其故果如夢中言

南畿志云人以為孝感

後父卒

廬墓側芝草累生元宗詔旌其門

萬厯志

授廣德令

明一統志

案晃事載南畿志通志並同惟不言神為祠山萬厯

志稱旌門在天寶間只言廬墓生芝而不及夢楊門

志又刪去所旌之朝今依一統志原文錄之

宋

李彭年紹興間進士嘗割股以療親病

萬厯志云割股肉雜米以進

後

以二親沒於兵

南畿志作後親沒於兵無二字

感慕不已蔬食終身郡

守洪興祖聞於朝詔旌表其門

萬厯志高宗旌表其都曰旌孝

人號其

里口旌孝明一統志

陳士儀字正國事親孝親沒廬墓六年歲荒捐穀三千石

賑饑全活甚衆南渡時軍需匱乏助餉十萬宋帝嘉其

孝義季志 案陳士儀舊志俱無傳

王安兒居建平桐汭鄉不知何時人相傳鄉舊有阮橋廟

安兒父病篤禱於神割股肉和粥以進父即愈鄉人因

名其廟為割股通志萬曆志

李貴建平人居原通鄉事親至孝承顏順志終身不衰處

宗族賙貧恤孤樂善好施鄉人因名其居傍之橋曰孝

廣德州志 卷三十五 孝友 十四

義通志萬曆志

范日進建平人咸淳時家衆三百口不分產鑿雙井共汲

惇睦無間通志 案李志列明人宗維漢後考萬曆志明言咸淳時人則李誤也

明

姚觀壽有孝行洪武間旌表南畿志 父病篤憂惶無措割股

進病遂愈洪武二十六年旌表其門萬曆志

案明史孝義傳太祖於割股臥冰傷生有禁故於所

稱事親盡孝者有萬里尋親三年廬墓聞喪殞命負

骨還鄉等款而所列被旌姓氏洪武時有廣德姚觀

壽等據此則觀壽所以被旌者當於上數款中求之
不應專以割股爲孝南畿志但言有孝行甚得闕如
之旨州舊志及通志俱專言割股恐未盡當今兩仍
之又萬厯志云潘晃李彭年姚觀壽三人俱久湮宏
治十六年知州范昌齡總建一坊蓋以表已往勵將
來也

潘顥字仲素建平人父尙直永樂戊子歿王事顥哀毀廬
墓三年年四十登賢書一試禮闈卽隱居白石溪自號
白石居士縣令李造其廬勸之仕不應景泰間煮粥賑

廣德州志

卷三十五

孝友

十五

飢有糴穀者聽其自取曰我固不吝汝亦無濫取也年
八十卒妻馬壽九十六

據縣申
稿增

湯文炎字南伯進士居易孫六歲喪母父娶繼母生弟妹

九人文炎事繼母盡孝友愛諸弟人無間言父宦歸分
產文炎曰先諸弟然後及我以父廕任官采石每得異
品必遣人先獻父母然後敢食人稱爲純孝君子

萬厯
志

王應鯉字時化號兩溪建平人嘉靖壬子亞魁蚤年師事
宣州沈古林貢受軒因從鄒東廓歐南野錢緒山諸名
公講學事繼母張氏以孝聞

楊
志

母歿應鯉哭泣不輟兩

目不見二年後復明貢受軒誌其墓以王祥方之李

胡湛明字空如建平人性至孝父母有疾衣不解帶色養

備至後棄舉子業肆力於濂洛關閩之學得其要領集

生徒講學於南門法雲菴邑之稱理學者推湛明焉楊志

孫允昌節婦劉氏子克承先志事劉温省靡間侍疾嘗溺

衣不解帶者月餘人以爲節婦之報閱以棟續萬志

許致身庠生天性孝友割股救親訓弟成名終身不履曲

徑人以北子羽續萬志

陳常字于夏號元同建平人性至孝家貧力學耕田以膳

廣德州志 卷三十五 孝友 十六

父母年四十始遊庠父歿廬墓哀號不絕終喪乃已母

死亦如之縣尹及學使屢加旌異楊志

宗文獻建平人庠生天性孝友母病躬治湯藥衣不解帶

者三月母死廬墓側虎夜繞其廬學使御史兩旌篤孝

子介天啟甲子舉人楊志

潘事心字若泰建平人庠生孝友恭讓方新婚而親沒柴

毀骨立躬負土結廬墓側六年不入寢室學使嘉賚之

李茂字茂才建平人庠生潛心理學父母卒俱廬墓三載

通志 楊志

疊膺旌異後茂卒繼室吳氏年二十八勵志守節人以方鮑宣夫婦焉楊志

岑熙建平人以孝行著於鄉客都下得遺金五百兩於旅次求其人還之御史馮明玠為記其事少時館於外夜分有隣婦挑之拒不納生平言行一以聖賢為法崇禎年政府欲畀以官不就歸以琴書自娛庚辰辛巳連歲大稜破產以賑親族之無告者後有盜過梅渚相戒曰此善人之里勿犯也遂引去通志楊志

王棟臣字吉甫建平人年十四割股愈父病兄夢臣宦辰

廣德州志

卷三十五

孝友

七

州卒徒跳抵楚昇骸以歸撫姪洪教成立且婚之三十喪耦不再娶季志

史贊化字調元建平人父病默禱於神刳股和藥以進父疾得瘳楊志

姚景鰲建平人性篤孝父卒廬墓三年猶不忍歸遂課子於其中每食必獻者又三年事後母亦以孝聞楊志李志

宗翔南建平人年十四母病聞其父會刳股療祖疾遂引刀割以和藥進母後翔南病篤妻沈氏亦割股療之楊志

王國義字希宜建平人遺腹子語及父容輒流涕母歿居

墓側苦塊獨處伯兄早逝無嗣歲時祭必盡哀族人喪葬不舉罄所有助之門志

王顧八李志建平人家貧力耕母病衣不解帶旦夕禱願

以身代割股四寸餘和髓粥以進吮父疽奉侍三月不

懈楊志

宗光國字維城建平人十六補諸生父爲仇飛搆頓顙流血請代父杖臺使者宥之崇禎歲連稜道齕交枕施棺席瘞之有楊思奇者貸光國金將鬻妻以償卽不更索

復賙給之門志

廣德州志

卷三十五

孝友

六

田士聖建平人髫年失怙事母至孝母死躄踊慟絕旣安厝遂斬茆爲廬獨居守墓妻孥衣食弗顧也怨慕號泣三年如一日張邑侯給匾獎之李志

潘之藩建平人性孝友勤學問訓子弟以敦樸與人交推誠行恕里人多信之年七十餘值土寇劫掠之藩率族人連保甲設禁約互相守望羣賊不敢窺一方賴以安

全李志

戈覲字子華號隣竹行醇謹兄六十乏嗣爲之買妾舉子歲飢疫煮粥延醫鄉里蒙惠崇禎十五年舉優李志

戈天濟字時盛事親盡孝為里黨所推崇禎癸未巡按賀

登選表其閩曰孝行據戈氏譜增

潘鈺字服之建平人庠生少孤力學兄弟以父喪家貧徙他郡鈺置田宅招之歸歲大饑出粟以賑病者醫藥死者棺殮鄉里稱為善人李志

葛允仁生十餘歲母周病篤割股以進母遂愈逾十二年而卒事繼母施委曲承順年已四十猶孺慕也父病歿割股廬墓晚年事佛不倦鄉里稱孝善云續萬曆志

張守信幼喪父事母以孝稱母病割股救之既歿廬墓三

廣德州志

卷三十五

孝友

九

年續萬曆志

國朝

包虹字文長庠生事親盡孝父病篤嘗糞甘潛然泣曰甘則不可療矣禱於神以身代父歿廬墓日夕哭奠與家人不相見者三年當事屢旌之李志

戈羽明號思竹行端方事父竭力承歡父死盡哀足跡不履公庭康熙十一年舉優李志

雲載德字宛聯庚子武舉弟庠生潤礎客浙江湖州之南潯鎮死於非命載德聞之號慟幾絕泣訴兩浙當事

卒爲豪紳猾吏所阻載德赴京控部事得白羣凶服辜

季志

宗維漢字子廣號慕蘇建平人歲貢生宋畱守謚忠簡
澤之裔孫父患背疽維漢吮舐得愈後母病侍湯藥衣
不解帶者兩月露香顙天願以身代刲股以進病愈人
以爲孝感後母歿哀毀骨立旬餘不進水漿嘗廬墓悲
號暈仆經日始甦母性好施捨維漢承順不倦出母所
積金六百兩設厰賑粥更捐貲以瘞貧不能斂葬者邑
長圩水潰里黨艱於補築維漢復出母遺金募工修築

廣德州志

卷三十五

孝友

三

十里完固倍昔

縣志康熙戊子甲子水旱爲災維漢捐築邑西梁家圩

卹老羸歲

以爲常人皆感其母德而益服其孝思之純篤也雍正

十一年建坊旌表祀忠孝祠

通志楊志

陳乾字亨之竭力事親弟歿撫姪如子族有賣子典身
者出銀代贖貧人債負焚券不取地方染疫爲貧者延

醫死則施棺人頌其義

通志

濮陽翼字羽成貢生居家孝友慷慨好義諸姪幼孤翼
撫育之經營其產業寸絲斗粟皆有籍可稽姪成立悉
還之嘗買婢廉知爲宛陵良家子破券歸之郡守周謀

構尊經閣翼捐八十金戊子己丑荒疫翼施粥施棺鄉人德之季志

濮陽曉字粲東號勉齋廩生天性孝友志操狷潔訓迪後學殷殷不倦從遊者近千人初艱於嗣將置妾適堂弟欲娶乏聘曉卽以買妾資爲完娶焉戚屬有盧某負豪右銀百餘金計窘圖自盡曉傾囊不足更稱貸代償人稱其義季志
胡夢麟字仁山事繼母得其歡心撫幼弟以友愛一生不與公事雍正八年舉優季志

廣德州志

卷三十五

孝友

三

雲像會字念詒貢生少孤事母曲盡愛敬母少不如意卽長跪色喜乃起母疾篤禱神願以身代侍奉湯藥衣不解帶月餘嘗爲母誕稱觴母曰我有素志未遂爾會祖嘗兩次蠲穀千三百石以濟貧乏爾獨不能承祖志乎像會欣然承命散穀七百餘石閭里德之又割腴田一百二十畝爲族義產創廬以守祖塋捐金以修宗譜皆母志也像會可謂養志矣乾隆元年奉旌季志
徐宗安建平人先世蕪湖人父始居梅渚宗安幼孤哀慕如成人家貧業鑷工妻孫氏勤紡績朝夕必具甘旨

母怡然忘其貧母歿宗安毀幾滅性既葬事木主於堂
寢其側盛暑不施帷帳邑令衛聞而賢之賜米二石錢
三緡宗安辭固與之則拜謝受二升米三十錢裹歸以
錢市酒肉炊米作飯哭奠於墓前鄉人稱之曰廉孝子

建平
存稿

潘宗鈞建平人年十三父佐龍得疾宗鈞泣禱求以身
代服勞徹夜瘠且骨立佐龍有逮當赴臬司宗鈞以父
病請代行桎拳就道顏色怡然蓋恐父悲也途中夢魘
嚙語猶奉湯進藥至泣涕驚寤數月歸星夜疾走入門

廣德州志

卷三十五

孝友

三

問父病猶未痊也弟又病亡遂以憂勞成疾死邑令蘇
表其閭曰孝同舒倬

建平
存稿

沈衡字渭呈庠生以貨殖佐其父治產初止三頃數年
增倍父沒有異母弟四人盡推與之己僅取十畝曰余
習會計無賴是也事繼母盡孝凡葺學宮明倫堂福星
橋諸義舉皆藉其力徐詹二守先後贈匾曰孝友足法
望重儒林又助田祖祠爲外祖王氏置祠田子綱別有
傳孫斌壬申武舉登瀛廩生補弟子員者七人咸謂兩
世積善之慶云

沈氏
譜

周纘緒字膚功幼有至性執父喪三年不入內寢州俗始死設靈牀既殯卽撤甚有喪未踰月其家已了不知有凶事者纘緒執不可進盥上食一如生存釋服乃已間日省墓歸必涕泣竟以積毀成疾卒

周氏譜

潘藻龍字汝明庠生幼出後於從叔忱祚忱祚卒哀毀若成人事祖母母以孝稱父行恕好義傾家施予所居巷苦泥濘修砌之貲竭藻龍鬻己產以佐又爲同母弟四人娶婦坐是亦貧舌耕以終無怨言亦無德色季弟早亡哭之慟弔以詩數十章力學徹晝夜稍倦則以手

廣德州志

卷三十五

孝友

三

擊穎年四十一得癡疾自知不起以祖塋被侵未復母老未能終養痛自引咎尋卒子鳳梧庠生

公舉

附

步濬文庠生禹功子乾隆甲午禹功戍甘肅之寧州挈繼妻李偕往濬文時年十七請隨行朝夕奉事惟謹禹功雖罪譴所過必訪問古蹟濬文常先後之有所得輒走白以悅其心逾年始還戊戌夏負擔往省三十六日而至禹功壯之歸抵汴梁值河決徒跣繞道七日路無人烟越五年又往值回匪滋事父促之歸丁未春復往

既還而禹功病沒濬文聞訃哀毀隨赴寧收父骨并迎
母及幼弟歸養之弟生於寧年已十四矣濬文未嘗讀
書又貧窘乃於一十四年中往返數千里者五次出入
於水火兵燹之間卒歸父骸於故土繼母與弟皆得所
此豈易得者哉特附表之

案人物例以蓋棺爲定但孝義彰著衆口交孚不可
沒也因附以別之後倣此

